

քարը (ԺԹ.Ի. դր.) (2004), Պատմական հողերու վրայ (2004), Խոհեր կեանքի մասին (2004), Հայկական ցուքեր (Թիւ 1-11 գիրքերը՝ 2004-11), Հայաստանեան պարկերներ. Եւսերբոս Քրոնիկագիր (2003), Հայաստանեան պարկերներ. հայ ժողովուրդի պատմութիւն (2004), Հայաստանեան պարկերներ. հայ գրականութիւն (2007):

Յարութիւն վրդ. Պզտիկեան մահացաւ 11 Ապրիլ 2021 Փարիզի արուարձան Սեւր քաղաքին մէջ գտնուող Սամուէլ Մուրատեան վարժարանին մէջ:
 <<<

ԱՐԱՄ ՍԻՄՈՆԵԱՆ (1955-2022)



Յայտնի պատմաբան Արամ Հրաչիկի Սիմոնեանը ծնուել է 1955ին Գորիս քաղաքում: 1972-77՝ ուսանել է ԵՊՀ պատմութեան ֆակուլտետում, 1977-81՝ ԽՍՀՄ ԳԱ ԽՍՀՄ պատմութեան ինստիտուտի թեկնածուականում, ուր մասնագիտացել է Անդրկովկասի նոր դարի պատմութեան ասպարէզում: 1981-85՝ աշխատել է Հայաստանի ԽՍՀ ԳԱ պատմութեան ինստիտուտում որպէս կրտսեր գիտաշխատող, այնուհետեւ՝ գիտաշխատող, 1983ին պաշտպանել թեկնածուական: 1986-2000՝ եղել է ԵՊՀ ԽՍՀՄ պատմութեան ամբիոնի օգնական, ապա՝ հայոց պատմութեան ամբիոնի դոցենտ, 2000ին պաշտպանել դոկտորական, իսկ 2005ին ստացել է պրոֆեսորի կոչում:

Սիմոնեանը 1993-95՝ ստանձնել է ԵՊՀ գիտական քարտուղարի, իսկ 1995-2000՝ ԵՊՀ ուսումնական վարչութեան պետի պաշտօնները, 2000ին նշանակուել է ԵՊՀ ուսումնական աշխատանքների գծով պրոռեկտոր, Մայիս 2006ին ընտրուել ռեկտոր եւ այդ պաշտօնն զբաղեցրել է մինչեւ 2019ի Մայիսի 23ը: 2006ին ընտրուել է ՀՀ ԳԱԱ թղթակից-անդամ, 2008ին նշանակուել ԵՊՀ ՀՀԻ տնօրէն:

Գիտական գործունէութեան ընթացքում Սիմոնեանը հեղինակել է 100ից անելի պատմագիտական աշխատանքներ, որոնց թում՝ չորս մենագրութիւն.- *Рабочие Закавказья в общероссийском рынке наемного труда в конце XIX-начале XX вв. (Историко-статистический анализ)* (Անդրկովկասի բանուորները համառուսաստանեան վարձու աշխատաշուկայում ԺԹ. դարավերջ-Ի. դարասկզբին. պատմա-վիճակագրական վերլուծութիւն) (1995), *Զանգեզուրի գոյամարտը 1920-1921 ԹԹ.* (2000), *Զանգեզուրի գոյապայքարը 1917-1920 ԹԹ.* (2017):

Հայ ժողովրդի Ի. դարասկզբի պատմութեան հիմնահարցերին նուիրուած Սիմոնեանի գիտական մենագրութիւններն առնչում են գլխաւորապէս պատմական վիճակագրութեանը, արդիւնաբերական դրամագլխին,

ինչպես նաև Արցախի ու Ջանգեզուրի 1917-21ի պատմության հիմնախնդիրներին: Նա երախտաշատ հետք թողեց մասնատրապետ իր հայրենի երկրամասի՝ Սիւնեաց աշխարհի ազգային-ազատագրական պայքարի ուսումնասիրության ասպարեզում: Նրա գիտական հետաքրքրությունների առանցքում էին նաև Հայկական Հարցի, Հայոց Ցեղասպանության եւ հայոց պետականության խնդիրներին առնչուող հիմնահարցերը: Սիմոնեանի ուշադրության կենտրոնում էին նաև ժամանակակից արցախեան հիմնահարցը եւ արցախահայությունը: Այդ մասին են վկայում նրա բազմաթիւ այցելություններն Արցախ, տեղի համալսարանի հետ սերտ գործակցությունը: 2006 Յունիսին նա նախաձեռնեց *Լեռնային Ղարաբաղի Հանրապետություն. անցեալը, ներկան եւ ապագան* միջազգային գիտաժողովի կազմակերպումն ու անցկացումը Ստեփանակերտում: Նա նաև իր գործընկերներ Ալիկ Ղարիբեանի եւ հանգուցեալ Էմմա Բաբայեանի հետ հրատարակության պատրաստեց *Արցախ. Կարաբախ: библиография на русском языке: 1988-2012 гг. (Արցախ. Ղարաբաղ, մատենագիտություն ռուսերէն լեզուով. 1988-2012)* (2011) փաստաթղթերի ժողովածուն:

Սիմոնեանի նախաձեռնությամբ ԵՊՀ հրատարակչությունը ծաւալել է բեղուն տպագրական գործունեություն: 2014ին նա հիմնադրել է *Հայագիտության հարցեր* հանդէսը, որի գլխավոր խմբագիրն էր: Նրա ղեկավարությամբ պաշտպանուել են 12 թեկնածուականներ:

Սիմոնեանի շնորհիւ ԵՊՀ-ն աշխուժօրէն գործակցել է արտերկրի կրթական, գիտական տարբեր հաստատությունների հետ: Նա մասնակցել է բազմաթիւ միջազգային եւ հանրապետական գիտաժողովների: Մեծ էին ԵՊՀ-ն ժամանակակից հետազօտական համալսարան դարձնելու ուղղությամբ նրա կատարած աշխատանքները: Նրա ղեկավարման տարիներին ԵՊՀ-ում գիտակրթական զարգացմանը զուգահեռ բացուեցին մի շարք նոր ստորաբաժանումներ՝ Չինագիտության կենտրոնը, Հայ-հնդկական կենտրոն ամբիոնը, ԵՊՀ Ռուսական կենտրոնը:

Մեծ Եղեռնի հարիւրամեայ տարելիցին ընդառաջ ԵՊՀ գրադարանի մուտքի մօտ Սիմոնեանի ջանքերով հիմնուեց երախտիքի ծառուղին, որտեղ տեղադրուեցին Անատոլ Ֆրանսի, Պիէր Քիյարի, Եոհաննէս Լեփսիուսի, Արմին Վեգների, Հենրի Մորգընթաուի, Ջէյմս Բրայսի, Ֆրանց Վերֆելի, Եակոբ Քիւնցլերի, Կարէն Եպպէի, Ֆրիտիոֆ Նանսէնի, Ալմա Եոհանսոնի, Ռաֆայէլ Լեմկինի կիսանդրիները:

Սիմոնեանը նաև պատուարժան քաղաքացի էր: Ունենալով հայ մարդուն բնորոշ առաքինությունները՝ նա իր ամբողջ կեանքի ընթացքում շրջապատի նկատմամբ դրսեւորել է նրբանկատ ու հոգատար վերաբերմունք: Նրա բնատրույթանն առանցքային էին հասարակութեանը պիտանի լինելու, կենսագործունեութեան ներդաշնակություն ձեւաւորելու իւրայատկութիւնները: Միաժամանակ առանձնանում էր նաև իւրաքանչիւր անհատի նկատմամբ նրա ներողամիտ ու սրտցաւ վերաբերմունքը:

Սիմոնեանն արժանացել է Հայաստանի Հանրապետության գիտության վաստակավոր գործչի տիտղոսի (2014), Սանկտ-Պետերբուրգի Պետական համալսարանի պատուավոր դոկտորի (2012), Ղազախստանի Ղազախստանի անկախության 20ամեակ (2011) եւ Թուրքմենստանի Մահթումկուլի Ֆրագի (2014) պետական պարգևների, Մովսէս Խորենացի (2009) ու Վաչագան Բարեպաշտ (2016) մեդալների:

Արամ Սիմոնեանը կեանքին վաղաժամ հրաժեշտ տուեց 8 Յունիս 2022ին, Երեւանում:

ԱԼԻԿ ՂԱՐԻԲԵԱՆ (algharibyan@yahoo.com)
ՎԱՐՈՒԺԱՆ ՊՕՂՈՍԵԱՆ (varuzhan.poghosyan@bk.ru)

ԳԷՈՐԳ ՏԷՐ ՎԱՐԴԱՆԵԱՆ (1951–2023)

Կեանքի 72րդ տարում իր մահկանացուն կնքեց հայ ձեռագրագիտության երախտավոր, պատմագիտության դոկտոր Գեորգ Տէր Վարդանեանը: Միջնադարեան Հայաստանի գրաւոր-մշակութային ժառանգութեան անխոնջ ուսումնասիրողը Մաշտոցեան Մատենադարանում իր նախորդներ Լեւոն Խաչիկեանի, Ասատուր Մնացականեանի, Օննիկ Եգանեանի, Արտաշէս Մաթեոսեանի եւ միա արժանաւոր մատենադարանցիների գործի լիիրաւ շարունակողն էր:



Գեորգ Տէր Վարդանեանը ծնուել է 1951 Յունուարի 9ին ՀՀ Տաւուշի մարզի Բերդ համայնքի Ներքին Կարմիրաղբիւր գիւղում: 1973ին աւարտել է ԵՊՀ պատմութեան ֆակուլտէտի հնագիտութեան, աղբիւրագիտութեան եւ ազգագրութեան բաժինը:

1974ից մինչեւ կեանքի վերջը նա աշխատել է Երեւանի Մեսրոպ Մաշտոցի անուան հին ձեռագրերի գիտահետազոտական ինստիտուտ-Մատենադարանում, 1978ից՝ աւագ գիտաշխատող եւ գլխավոր ասանդապահ (մատենապահ), 1992ից՝ նաեւ ձեռագրագիտութեան խմբի/բաժնի ղեկավար/վարիչ: 1984ին պաշտպանել է «Ներսէս Պալիանենցի պատմագրական ժառանգութիւնը (ԺԴ դ.)» թեկնածուականը: 1995-98՝ զբաղեցրել է Հայաստանի Ազգային գրադարանի տնօրէնի պաշտօնը: 2016ին պաշտպանել է դոկտորական՝ «Հայոց պատմագրքերի գիտական բնագրերի կազմութեան խնդիրներ եւ ձեռագրական ասանդոյթներ» թեմայով:

Տէր Վարդանեանին էր վիճակուած շարունակելու Մատենադարանի հայերէն ձեռագրերի մայր ցուցակի բազմահատորեակի հրատարակութիւնը, որը, ցաւօք, չհասցրեց ամբողջական տեսնել: Նրա ստեղծած երիտասարդ ձեռագրագէտների խումբը, որը յետագայում դարձաւ Մատենադարանի առանցքային բաժիններից մէկը՝ սկզբում կոչուելով ձեռագրագիտու-